

Per trutgs e pitgognas dals 30-09-2011

Proposta da Andrea Matossi

Silvplauna - Fuorcla Surlej - Hahnensee - Muottas da Schlarigna – San Murezzan

Durada: ca. 5 uras
Differenza d'atezza ensi: ca. 250 meters
Differenza d'atezza engiu: ca. 1300 meters

Corvatsch/staziun da mez 2699 m - Fuorcla Surlej 2755 m - Hahnensee 2153 m - Muottas da Schlarigna 2305 m – San Murezzan 1780 m

Ruta:

Ins cumenza a Silvplauna/Surlej cun la pendiculara fin la staziun da mez Murtél. Silvplauna/Surlej cuntansch'ins bain cun la posta. Qua ha i era avunda parcadis per viaggiaturs cun auto privat. Il bigliet per la pendiculara custa CHF 17.- simpel. Davent da la staziun da mez da la **pendiculara Corvatsch**, maina ina senda lada fin la **Fuorcla Surlej**. Grondiusa vista sin il Piz Bernina cun lur Spih Alv e tut ils auters pizs da 3000 da la gruppa da Bernina.

- Varianta: Davent da **Fuorcla Surlej** san' ins descender en il **Rosegtal**, ina ulteriura bella spassegiada a Puntraschigna che vegn passada bier.

Ins va mo 5 minutas sin la medema via enavos. Tar il mussavia da la davosa storta van'ins a dretg. In trutg stretg main'ins emprim en in Ziczac, suenter sur in plaun da palì giadora sin la planira dal **Margun Vegl**. Qua sesanfil'ins a mez il territori da skis da Corvatsch. Sur spundas da pastg cuntansch'ins il grugn **Crap Alv**, ina bellezza vista cun ina perspectiva sur l'entir plateau da lais e las muntognas vischinantas. Tras ina gonda arriv'ins tar ina palì auta e suenter giu tar il **Hahnensee**, il Lej dals Chöds, ina destinaziun populara. Suenter ina pausa a la riva dal lai ni en la ustaria da stad Hahnensee, suond'ins la senda tranter il restaurant ed il lai fin curt avant la gonda Gianda Naira. Qua pudess 'ins directamain descender a San Murezzan-Bad, 1780 m. Nus dentant suandain il mussavia dretg e viagiam en il gaud da schembers e lareschs ensi tar il **Muottas da Schlarigna**. In pau pli aut è il punct da mesiraziun 2305.9 m, da nua che la vista è anc pli libra e lontana. Bellas vistas sin Engiadin'Ota. Davent da qua vai engiu encunter il plaun **Alp Staz** e vinavant sin ina buna via en ina descensiun miaivla tras gaud maschadà encunter San Murezzan-Bad. Qua han ins ina fitg buna colliaziun da meds da transports publics enavos tar il lieu da partenza.